



八齊

上巳集丁謙龍漁園

幾曲濃桃抱碧谿。山園步履路高低。橋邊細草丰茸長。塢裏春禽自在啼。浣垢卻憐塵似墨。遣憂拚共醉成泥。十年上巳違鄉土。襖集新詞此重題。

客羅山寄懷張異姿時任孝感令

南望晴峰綠草齊。廿年兄弟數年睽。秋風白首存知己。涼月揚州悵解攜。把臂夢牽羅國外。各天人隔楚雲西。那堪久客驅歸騎。空羨桃花炤碧溪。

送李爾孚治中北上

幾日東歸又解攜。王程無限草萋萋。正貪姜被吟花
萼。忽捧萊衣別杖藜。楊柳不堪南浦折。班駘猶望故
園嘶。簡書親命交相迫。敢向青山戀舊蹊。

假榻西園鄧孝威。范汝受。汪蛟門。過飲遲主人。

不至 次君三韻

綠樹紅橋鶴逕迷。忘機盡日聽黃鸝。野人鬚鬢渾堆
雪。公子衣袍尚解綈。塵匣豈埋三尺劍。羈魂空怨五
更雞。眼前麴蘖足生事。莫慮乾坤猶鼓鼙。

送友人赴任會稽

昔年世好叨隣並。今見銅章領會稽。驛路好山青
疊。江臯芳草綠萋萋。去時榴火明吳苑。到日荷風扇
越溪。郡守自應虛左待。才名不久徹金閨。

步月過金共玉廉。使宅時歸自粵西。同王九有

冒青若諸子泥飲

秦淮秋老菊開齊。院靜庭槐鳥乍棲。好月豈能閒坐
卧。故交空自隔東西。三年再到銜卮酒。萬里初歸洗
馬蹄。正苦悶懷無處豁。不期今夕醉如泥。

寄王起渭時讀書五籍樓

西園舊好耽佳勝。共許二難賓。王齊幾度飛花邀燕。賞十年文詠。藉提攜樹疑別。後垂楊長池。想春來碧水。逃記得連牀聽鶴。嗔如今踪跡判雲泥。

痛飲友人宅醒後作

阮家相望屋東西。齋酒門前客姓嵇。老樹橫溪差有致。茅齋容膝亦堪棲。都忘歸路明星爛。略記當筵谷鳥啼。總是忘形歡轉劇。三年此日醉如泥。

重陽前一日對初菊

古城芳草歇萋萋。晴日茅齋俯舊谿。濁酒滿斟酬令節。黃花初綻入幽棲。閒中筇屐人頻到。靜裏棋枰日未低。獨我又驚時物變。秋風心怯夜烏啼。

席書樵見招舟泛

同蔣前民張瑤房錢錦樹諸子分韻

水嬉自昔維揚盛。况值時平息鼓鼙。白雪正飄千樹絮。清歌忽送一聲鷗。誰家畫舫攜仙侶。幾度旗亭覓舊題。醉起畱春澆濁酒。夕陽無限草萋萋。

不寐

宵來客思苦凄迷。樓上高低戍柝齊。永夜愁心閒蝶

夢一牕殘月伴烏啼交親遠道沉書信江國皇威
息鼓鼙老見太平空伏處祇將生計問耕犁

鄧孝威舍人郡中歸程孚夏司城招集詠歸堂
三家子弟皆在坐兼追憶尊大尹鼎菴先生
同戴景韓程天有鄧若雍弟儀通男泰來分

韻得八齊

騷壇桃李久成蹊領袖人歸自竹西嵇阮白頭差健
在紀羣綠酒復提攜荒年水國哀鴻亂寒夜嚴城戍
析齊不到此堂逾十載含悽難續舊留題

送繆墨書廷對北上

少年聲譽動金閨廷對文章煥紫霓楊柳半依官渡
彈班騅爭向驛亭嘶治安有策才推賈京洛無書懶
過稽獨念兒曹猶伏處那能同聽帝城鷄

張子常來自海安文簡維執元暉上木泰男鸞

孫同集娛暉堂 時鸞祥詩先成

半年無故隔東西今日鄰家酒重携遠浦雲開初到
雁春城樹冷未聞鷓沉憂只說情懷惡家宴何期少
長齊七步就中誇孺子老夫含笑引玻璃

寄懷戴明經任楚中

安道聲名重紫泥故鄉隣並藉提携祇因遠宦頻年
別遂使交親兩地睽江岸獨聽鶯嚙嚙楚城回望草
萋萋他時畫舫南來處欲把邗溝當剡溪

丁卯深秋與泰男對酒懷田念始世兄

何事凌雲未有梯秋風猶復蹶霜蹄世交真欲盟金
石國士那容負品題岱麓浩歌看錦樹江臯醉酒聽
黃鸝天生龍劍終須合忍忘班荆在竹西

張仲喁邀遊惠山以入越不得赴

庚辰舊作

訪舊舟停水寺西綠迷城外草烟齊漫勞張緒牽楊
柳其柰梁鴻去會稽石湫泉香通遠夢河橋花落是
愁谿莫教山上鶯聲歇越酒還容幾甕攜

海陵送別姜錦雯叅戎北上補選時為探親邊

刺史來泰邊已物故

將軍尙父元勳裔秉鉞川西鎮疊溪千里舟航探故
舊一麾形影隔雲泥班荆對酒情偏苦折柳臨河手
再攜此後擁旄何處所肯教魚雁阻書題

田公燮半園同王彤颺倪永清顧景先諸子

芳園載酒共攀躋。峰泖人來自竹西林。下琴樽呼大
阮。畫中泉石雜迂倪。舞迷叢蝶花將落。歌鬧新鶯日
未低。正是清和天氣好。平原莫擬遽分攜。

丁楚賓攜尊孔使君寓樓小集

孔融門下有丁儀。步履荒城少長齊。問字慙勤齋酒
脯。望衡咫尺隔東西。半年王事空驅馬。今日閒心始
聽鸚。說到麥枯炎火熾。仍將醉眼盼雲霓。

吳素求以郡丞代會稽太守入覲晤于廣陵

使君上計赴金閨。聞道朱輪出會稽。此地簷帷邀祖

餞。昔年瓜渚藉提攜。王程趁歲驅嬌馬。內苑逢春聽
曉雞。報最竚看膺不次。姓名先向御屏題。

松菊山房與穆倩話舊

次原韻

東京耆舊程夫子。亂後佯狂託簡兮。舊日雉壇慚我
後。誰人玉樹與君齊。浪言子侄皆王謝。自信金蘭接
呂嵇。醉去總應忘世事。不堪酒醒又聞雞。

長至集唐爾俊霞石父子鏤水亭同沈桓雙仲

男泰來限韻

不是嘉招文字飲。柴關終日閉荒畦。半林暖景烘梅

雪兩世交情重阮嵇。晷畫溪留前代額。家風詩愛昔賢題。今宵清酒三升後。談易猶期一指迷。

閏元宵 庚辰和 顧與治

赤旱燒燈驚盞見。魚龍戲共首春齊。在年塢有殘梅落。今夕梁無紫燕棲。遊輦香塵仍帝里。傳柑勝事又金閨。侯門月黑笙歌沸。誰念哀鴻四野啼。

病中奉和施使君重過海陵

懷人伏枕正淒淒。忽望雙旌暮雨低。隋柳綠深維畫舫。安榴紅吐待詩題。庾園頓有經年別。阮巷仍隣使

院西布穀也知來。舊主爭迎朱轂盡情啼。

朱魯瞻初度

久欽搖筆吐虹霓。州里才名孰與齊。兩世陳荀同硯席。一街衡宇列東西。園林時把奇書擁。枕被還將弱弟携。最是我生黃菊節。高原望處白雲迷。

夏夜集徐石霞邸舍

客子行廚酒自携。東城樹影半烏棲。涼風漸覺來簷角。圓月旋看照水西。炎熱人情羞襪襪。中宵門徑歇輪蹄。一杯知己清言好。何必沉湎醉似泥。

喜王蒿伊見過

貧居老屋俯迴谿君正朱輪出會稽
瓠子方勞數載力鷓鷯莫笑一枝棲
花間掃徑培松菊竹下開尊聚阮嵇
獨念承恩領千騎旌麾早晚又東西

長孫鸞祥二十初度勗之

用杜句起

陸機二十作文賦孫年不覺與之齊
三更正好親藜火萬里方將試馬蹄
德薄高門非所望世衰坦道肯教迷
嗟予亦奉過庭訓頭白無成但慘悽

如臯門人范栗園送董明府北上迴舟見訪夜

集上木姪齋中

送客迴舟過竹谿廿年師弟二年睽
綠波南浦情懷惡芳草遙天望眼迷
醉醒無端還剪燭悲歡幾許到鳴雞
人歸又值春歸日且住為佳絆馬啼

九佳

溪上晚歸

落落行踪寄草萊。何妨百事與時乖。叩門剡水初廻棹。沽酒文君不惜釵。儉歲鴈鳧啼北渚。寒宵花月映西齋。平生嬾問家人計。醉後題詩傲詠懷。

淮陰舟中喜晤錢彥林

時上壬午公車

長安道遠滯長淮。恰遇名賢逐計偕。盛世輪蹄通帝里。隨身歌舞到天涯。談深戍柝隨風亂。坐久湖波與霧霾。最羨救時多秘策。只疑高論與時乖。

黃僊裳七言律詩分韻

九佳

中秋集方爾止畚山草堂

長板橋頭處士齋。中秋節序召吾儕。酒沾白下由來美。月滿青溪分外佳。六代山川容浪迹。異鄉兄弟足開懷。良宵何幸同安土。愁說今年百事乖。
是年戊申地震

秋佳館卽事

長夏雲峰向夕佳。古槐門巷敞南齋。風來小院全收暑。客過同心可散懷。滅燭露明三逕草。臨波月冷一池蛙。葛巾欹側人多醉。相送猶能出水涯。

送智劍大師歸楚黃卽官凝之

千峰登陟信芒鞋。七十如公體氣佳。對客未除蓮社酒。辭家欲笑太常齋。海邦遊戲馴鷗鳥。松殿歸閒伏虎豺。此去逢人還借便。莫教吳楚信音乖。

梅谷大師經維揚止華藏菴同人過訪時趙鐵

源粵東典試還得阿字和尚近狀

粵嶠歸曾晤我儕。薰風又遇小秦淮。齋厨飲水呼燒笋。餘習臨池講折釵。隋苑三春芳草遍。羅浮萬里故人佳。輅車有客相傳說。度嶺梅荒半虎豺。

正月十三夜

徐享祖宅

板橋西畔水之涯欲買疎梅種小齋留客酒當燈乍
試送歌人與月俱佳此時淺渚藏龍驥何處青峰踏
草鞵最是十年鄰並後還鄉良夕足開懷

姜滙思離使以丁艱去兩淮

啼鳥昨夜繞山齋時事驚傳惱夙懷未見錢鏐輸海
微○可○堪○劉○晏○去○江○淮○一○春○雨○雪○寒○梅○凍○萬○里○風○沙○白
日○霾○最○是○蒼○生○辜○望○眼○幾○回○搔○首○步○苔○堦

正月十七夜龔芝麓奉常招陪劉藥生觀察集

廣陵寓園便送歸穎上

風雨燒燈聚客齋故人猶記說秦淮正聯縞紵歡談
笑其奈笙歌惱別懷此際曉風開柳岸誰家侍史代
金釵明朝背發邗江水珍重魚書莫便乖

錢耐菴招同吳興公諸駿男錢鍊百均曆仁洽

諸子飲海陵西山

木葉涼風點客齋攜尊選勝集吾儕地偏車馬湖西
少秋霽雲山日夕佳幾歲交遊依杵日一時詞賦占
江淮豫愁南北征輪動不覺當歡愴別懷

汝南燈夕集清美堂

辛先民韓聞西何
子受同賦

一林殘雪映西齋。不信良宵酒似淮。燈火堂容明月入。春風人並早梅佳。地無戎馬全安堵。座有笙歌亦散懷。更愛稚兒初學語。綿蠻如聽鳥喈喈。

同韓經正觀別者

細雨疎燈點夜齋。交親勸飲佐談諧。弟兄合盡百年好。離隔轉嗟人事乖。連影雁行迷朔漠。同枝花萼滿庭階。傷人亦灑天涯淚。此際如何得好懷。

人日初度宗定九山庄對酒

幾日和風拂水涯。清尊親串敞高齋。雪飄三徑氣猶

肅。梅老一條花。自佳白首無能慚。馬齒青山有約負。芒鞋惟欣婚嫁粗。成就未信棲遲履運乖。

阮岍夫別駕索予詩刻去年晤于天濤弟齋中

佐郡政成餘暇日。雄風執耳振江淮。自慚瓦缶無音節。敢對嗣宗擬詠懷。船去海雲徒漠漠。春回谷鳥又喈喈。何時更過惠連宅。重聽論文集我儕。

贈戴雪舫

經史巾箱皆手錄。先生嗜古過吾儕。衰遲共說情懷惡。七十方瞻道體佳。白首亂餘存布帽。青峰貧後負

棕鞵尋常問字康成宅書帶青青覆一階

家課一種

臘月十五夜

荒徑青青亂竹排晚汀雲影淨空齋連朝喜見晴光
好殘臘難逢月色佳貧巷閉門將逼歲醉鄉沽酒足
抒懷寒花香綻南枝早即有條風到海厓

送友人應試北上

千里征車將北發春風黃鳥弄啾啾梨花幕下青岑
醴芍藥筵前白鼻騮彩筆定能搏羽翼泥金及早報
秦淮相如亦有凌雲賦敢信江東計吏偕

喜得粵中吳留村先生遠書

荷分廉俸併親書齋聯有重簾不捲

留香自古硯微
坳聚墨多之句

幕府魚書萬里回草堂晨聽鳥啾啾平撐半壁需公
等高卧一丘容我儕貫酒得錢懸竹杖看山無夢試
芒屨焚香洗硯餘清課椽筆常輝處士齋

雪老人大樹堂夜坐時馮孟庶來自丁溪鹽場

同觀樹侶雲
泰男分韻

謝寺鐘鳴客未回寒宵燈影靜空齋長聽高座揮松
塵勝訪千山路鐵鞵茗熟亦能澆壘塊月來何處着

陰靈故人大樹將軍裔浪說行藏與世乖

贈分運李霄樹

鴛湖才子知名久角里烟光繞竹齋千里遨遊依輦
轂一官轉運佐江淮青蓮詩句誰能似衛玠風流日
與偕姻戚幾人皆執友嚶鳴回憶鳥喈喈

朱魯瞻宮敘五携尊國博孔公署園時將之海

上

桃花吹片落官齋東道提壺二妙偕浮白未乾催蠟
炬踏青偏約試苾鞵屢乘小艇穿吳楚欲借長才事

决排旦晚區分有成畫重倡風雅集吾儕

家集待仙閣

山子長音兩叔文簡繼執兩
壻上木侄泰男鸞孫同拈韻

首春黃鳥未喈喈溪上和風敞敞齊急命壺觴梅塢
早矧逢子姪竹林佳雲中青嶂虛筇杖身外紅塵泪
草屨七十當頭行樂晚劉伶有鋪莫安排

哭女

十六首
之一

高車陋巷訪蕭齋汝在雙親少悶懷堂上畱賓揮玉
塵室中沽酒質金釵青春方幸偕鴛侶瘦骨俄驚與
雀儕繡戶梅檀香片片觀空應已外形骸

李若谷河軒招飲其內子王端人大家能畫能
詩為吾郡閨秀之冠即事題贈

高士襟期與俗乖。幽居每恨隔層厓。今來僻巷方敲
戶。不信貧家累典叙。簾捲柳烟迷曲檻。水流花片灑
空齋。挑燈寫出芙蓉影。一望秋光愜素懷。

程彩臣招集新齋時將偕戴修來歸里同景韓

翼天泰男賦

故人置酒聚新齋。恰遇忘形愜曠懷。甕裏麴香來北
郭。墻頭竹影出西街。黃山又欲尋秋菊。楚澤初聞縛

虎豺暫返維桑莫。留戀待君同探早梅佳。

喜雲中劉赤符司馬見訪

時尋孫司空南
下將補郡佐

偶隨世講忽浮淮。烽靖西南縛虎豺。求友三吳聯縞
帶。尋親萬里負遺骸。能詩久切停雲想。歎戶今酬伐
木懷。幾日士衡參佐去。山川又悵隔層厓。

初冬集程翼天寓齋同洛瞻景韓嶽子仲男泰

來賦

郭外微酣躡屐回。應知掃徑望吾儕。重看菊影詩懷
靜。記傍荷香飲興佳。千里夢仍牽杵臼。十年交欲畧

黃僊裳七言律詩分韻

九佳

形骸何難卜夜城
譙急霜路人稀月
滿街

家課一種

小春望後二日陳丹文四雨山房集飲同李忍

菴秦以御仲男泰來分韻

踏來落葉響空堦清絕西城處士齋
客坐捲簾林似水觴飛燒燭酒如淮
半天涼月穿雲出一塢寒梅傍檻佳
達矣劉伶日沉醉百年任運莫安排

送季調御世兄赴任福安

車騎庭前玉樹排青春公子最稱佳
仙鳧舄入飛鳧閣捉鼻人乘白鼻騮
甘澍早沾閩徼外惠風行被海

南涯幾年報績臺端去尙憶琴樽處士齋

陳枚六且適園

同廿六翻俞可歇繆補山湘芷泰男賦

春殘開徑集高齋公子休疑與世乖
顧我終朝惟取醉誰人每事只言佳
山園舊業培花竹世路新聞擯虎豹
細雨晚晴樓閣爽空天圓月出陰霾

十灰

過拂水山莊憶錢宗伯

虞峰十里翠屏開。宗伯園扉閉水隈。叢桂自芳招隱地。飛泉猶濺讀書臺。百年碩果推遺老。一代名山失史才。求舊江南人愈少。此中登眺幾徘徊。

寒夜趙乾符署園同豹人孝威田授夜集

掃徑人來踏古苔。琴軒如水淨塵埃。開筵碧醕杯浮蟻。閉閣清言月在梅。永夜戟門譙鼓亂。一年蓬鬢歲華催。當歡不敢辭泥飲。上客能文謝守才。

邯鄲登萊臺

聞道邯鄲滏水側。一丘野花相對開。城郭幾更非趙國。山川猶指是萊臺。風沙滾滾征車過。塞草青青獵馬回。短衣騎射雄豪甚。昔日武靈安在哉。

白門重晤顏修來

廣陵相遇布帆催。二載吳山越水隈。北固遊仍懷北闕。南塘警忽阻南陔。擔簦頗愜探書願。覽勝無慚作賦才。豈意觀濤分袂久。白門秋好又銜杯。

崇川宿七梅書屋憶凌君壽廣文兼示諸令嗣

元晏先生逝不回。晚循遺迹重徘徊。園寬更闢三間屋。松去猶瞻七樹梅。滿塢斜暉連古寺。一宵寒雨滴空臺。此中月旦高陽里。繼述驚看總異才。

雨

播秧時節甘雨來。田家夢醒柴門開。喧喧蛙部曙前鼓。隱隱車聲花外雷。滿溪驚波浴鷗鷺。昨日大澤飛塵埃。為霖亦似等閒事。天心潛伏休疑猜。

喜丁蜚公大行省覲歸里

朝朝北闕想南陔。得遂陳情別內臺。一入鷁舟忘路

遠遙瞻鄉樹已顏開庭喧喜鵲歸遊子日暖斑衣獻
壽杯更羨親朋相慰勞好風催發歲前梅

馬溝道中書事

溝南溝北膏腴地二月扁舟此重迴村婦過橋挑菜
去艫船迎水賣魚來百年蕉鹿歸春夢滿眼興衰付
酒杯誰信田園非故主綠楊依舊擁樓臺

喜儀曹王公督船淮浦

之二

淮波仍與隋溝接三百郵程易溯洄閣上觀梅何遜
去寺前題石李邕來知貧過客惟傾酒懷古臨河獨

上臺更想公餘振文教風騷應愛楚人才

廣陵送倪閣公太史服闋北上

彈指三年出帝臺今朝喜鵲噪宮槐白雲拔淚金
陵別青史需才玉局催古渡人猶攀綠柳花磚吏定
掃荒苔此行翔步平津閣寂寞誰噓黍谷灰

贈蔣玉潔大家披緇入道

不待晨鐘夢早回青絲髮落白蓮臺豈因薄命甘逃
世寔爲浮生轉自哀鄰女傍觀空泪雨道人猛省欲
心灰從今筆硯都燒去漫說紅樓詠絮才

癸丑客都門喜董方南館選

三策天人金殿開。玉皇親點入蓬萊。承明載筆枚臯至。紫陌看花衛玠來。辨色馬聲趨禁漏。下朝簾影靜庭槐。青春得意門如水。寧澹還欽萬里才。

輓崔凌岳廣文

廣陵太守公胞兄也

逝水東流哭不回。鶴鴒啣痛萬人哀。孤衾夢醒秋霖滴。官閣燈殘旅雁來。莫憶父書攜弟讀。已應身在任心灰。溯源此地甘棠樹。只算先生手自栽。

趙又韓別駕招飲浮香亭

同呂半隱陸吳州儲穎如蔡補齋張石樓賦

海署春和三徑開。後堂銀燭照深杯。舞衣場上驚迴雪。吹笛簷前正落梅。幾月桑麻沾雨露。一時賓客聚鄒枚。豈惟絳帳風流美。展驥還驚別駕才。

過蒙陰擬贈屈明府

公闕鄉人時故人附書

紫金關口夕陽開。秋晚孤城畫角哀。路自安仁花縣過。人從黃帝鼎湖來。民貧織繭勤紅女。山瘠生茶賽綠醅。知已郵書煩寄訊。廣陵歸客暫徘徊。

廣陵憶舊

不覺蹉跎白髮催。少年心事付寒灰。偶談紫陌迴車



原件短缺

處會受紅樓解珮來舞榭忽疑聞艷曲燈橋猶想鬪
新醅美人去後同遊盡杜牧疎狂祇自哀

呂半隱先生寓齋晤魯桐門自燕臺下第南歸

留飲感贈

同令弟旂山及函上人

攜僧偶過讀書臺門外征車自遠來朱夏葵榴方照
眼故園兄弟足啣杯鷗鵬且耐三年息龍驥終伸萬
里才正好披襟談契濶晚涼微雨淨炎埃

吳繡巖刺史見過

兼示令弟繼紹侍衛

刺史風流天下才當時蓉閣幾追陪霜飛北郭三年

歲暮客天寧書思禹曆兩侄攜尊看竹亭國博

孔東塘先生適至留其小坐限來字

野寺寒冬猶作客有誰剝啄破荒苔頗因竹好阿咸
至莫令杯空北海來昏墊竚看平瓠子騷壇羣待詠
官梅謀歸牽犬同吳隱昨夜家人遣信催

早春吳葢山工部攜尊邀同宗定九仲男泰來

暨幕中諸子集大隱觀東齋梅下論詩有贈

春掃行將闢草萊乘閒連袂訪仙臺丹房樹老山翁
去隣館梅開水部來春鳥弄晴催掃逕新峰迎暖傍

衝杯延陵聘魯論詩後又見風騷絕世才
東臺新晴周遜之見招話舊臺長長樹
庭院風柔漸落梅青蒼滿地長莓苔門前香草幽人
送座上醇醪老友來寒雨半春僵柳杏夕陽今日射
樓臺尋常十載不相見端許沉酣懷抱開

奉挽新城王太翁

阮亭先生尊人

文中化雨江淮遍世諠淵源有自來剛許趨庭南極
暗纜聽陟岵泰山頽幾年曾看揚州月千里應懷官
閣梅部下缺齋磨鏡具白頭衰病但銜哀

甲子深秋邀休陽方戴程三姓同人集待仙閣

方子謂大戴子景韓程子次郊宗衍又令姪
天有又梁暨仲男泰來是秋獨謂大領鄉薦

世好才真儷八裴相邀細雨踏莓苔虛言荒逕尋秋
去只當貧家聽雁來琴酒竹林堪把臂雲山海嶠任
登臺就中獻賦苑枯異尚想春江二月雷

喜得施文中嚴州書問

兼呈令兄揚州太守公

更灣昨歲送帆開目斷嚴江錦鯉來硯北心馳七里
瀨江南人贈一枝梅誰知白髮羞彈鋏何處青山再
舉杯家訓比肩能恪守高名吳越並崔嵬

寄薛謙益京師兼呈于大中丞

北郭松龕鎖碧苔。故鄉洪水尚為災。一從赴義號天
去。不復携僧問字來。幾歲珠光肩暗室。今朝駿骨上
金臺。閒居何日司閹報。題柱人歸老眼開。

得姜汝臯書問兼寄陳章侯採菊圖

次原韻

贈別惟携一硯回。多君原是洛陽才。但思折柳頻臨
水。不道看花懶上臺。往日行蹤經楚豫。何年唱和結
王裴。尺書妙畫來千里。况復瓊篇應手裁。

酬閔義行留別

和孔樵嵐韻

佳辰蓬戶為君開。酒甕牀頭洗薄苔。數載鱗鴻沉短
翰。春宵花月助深杯。已叨音賞柯亭笛。未敢詩呈瓦
缶雷。欲藉羅浮芳草色。掛帆何事遽西回。

胡荆南先生舟泊秦郵附王司直有詩見懷奉

和

湖月披帷快往來。遙知十日積懷開。船歸楚澤迷芳
草。家在秦郵足舊醅。好夢頻虛頻悵望。新詩一讀一
徘徊。獨憐北渚瀟湘外。萬里尋師豈易哉。

春初家石文叔座上喜晤俞廣淵因拉過尊園

黃仙裳七言律詩分韻

十灰

留飲子亦薄携壺榼

高軒枉過阮家來。躡屐還同踏淺苔。春早玉梅陰未吐。園閒金鎖澁初開。東風掃徑迎斜照。舊夢聞歌傍小臺。偶爾携壺見芹意。兵厨豈是少新醅。

閒居喜葉巖大師見過

三徑苔封少客來。科頭倚杖讀書臺。疎籬門掩當斜日。白社人過正落梅。小坐沸鑪山茗熟。清言揮麈海雲開。顛毛種種空流浪。欲把塵心付劫灰。

重晤方翼堯于吼劍齋

方于相遇好懷開。數月胡床冷碧苔。渡口人攀疎柳去。江頭帆帶落霞來。烟昏幕府慵開眼。菊綻山籬勸舉杯。夕照影中人又返。不堪佇立重徘徊。

正月十六夜胡侍衛署齋集送陳守府赴任澄

江

將軍專閫大江隈。擊鼓鳴鐃錦纜開。幕府故人留信宿。他鄉良友共樽罍。滿城甲第燈如晝。半夜胡床月上梅。此去綢繆叨重寄。安邦端合借長才。

戴文吧濟川來自延令箕山置酒朱樸仙寓齋

時樸仙將西歸

二妙巾車自遠來。滁陽歸客且徘徊。歌魚囊僅餘詩卷。賣畫錢堪佐酒杯。花影一庭空帶露。雲陰終日不成雷。敢辭秉燭深宵話。欲別仍憐首重回。

丁卯八月遙和仲男登雨花臺秋望

秣陵秋色正佳哉。木末憑高望眼開。廢苑烏啼紅樹少。荒江日落暮潮來。紛紛獻賦人千里。草草尋山酒一杯。病起兒曹南渡後。柴門倚杖幾徘徊。

登文游臺懷古

高郵郭外

秦郵萬柳綠烟堆。何處呼嘯百尺臺。遺址尚存今水郭。羣公足冠宋人才。趁佳風日聯文詠。對好湖光費酒杯。此日登臨何所見。亂藤滿地野花開。

清持兄喜予入郡置酒集諸兄弟叔姪

隔歲探梅醉小臺。秋風重到桂花開。城邊月照濤聲壯。江上人隨雁影來。世事浮榮同露槿。道心真冷付寒灰。尋常一別添華髮。把臂寧辭數舉杯。

為何雲壑轉運悼亾

廣陵笛響入秋哀。圓月光昏玉鏡臺。七字清才吟柳

絮幾年內職佐鹽梅悼亾詩定推情種擊缶心應着
死灰風雅宗盟何遜在那能雜佩復重來

張萍蒼丁謙龍齊玄卿同訪聞遠叔田舍

山村曲曲水雲隈載酒當年想舊梅柳帶欲將孤艇
繫鶯歌似喚故人來麥秋稍可回飢饉梅雨何緣潤
草萊但得躬耕貧亦足久知冠蓋意全灰

風雪中張苞九子常馨宐兄弟自海安來堰上

會葬先慈

荒沙疊疊水滌洄野樹平原夕鳥哀滿地蒿萊新兆

啓一天風雪素車來范張汝穎交難繼雞絮南州道
久頽誰得似君敦古義相持清淚滴寒灰

崇川友人垂問星河先叔祖感舊有答

高軒曾枉阮家來三徑春晴掃綠苔深院調笙新曲
就後堂明燭綺筵開梨花繡幕飛還定燕子雕梁去
復回誰信繁華歌舞地十年彌望長蒿萊

舊事東南盛主賓。山公清望獨嶙峋。久從元晏懷知己。重過維揚少故人。城月尚憐今夜好。嶺梅猶記昔年春。相逢又看輶車發。惆悵西風立暮津。

慈仁寺松下作

長安松下讀書人。滿寺清陰灑葛巾。舒簟堪逃六月暑。驅羸懶逐九衢塵。詩成聽鳥渾如和。酒盡探囊不似貧。却怪兒童傳刺到。高軒幾輩訪遺民。

金陵客舍先送宋旣庭歸吳門

敝裘孤劍浪遊身。無事秦淮滯幾旬。地傍莫愁呼酒

盞。秋逢宋玉領騷人。塞鴻嘹唳過荒苑。陵樹紅黃想舊春。何似還家貧亦樂。臯橋舉枕進鱸蓴。

重泊朱家口有懷祖命

汀蘆岸柳全凋落。烟火人家自結鄰。仍解杖錢村酒店。忽思舟伴舊情親。犬迎生客依然吠。月出寒江分外新。此地秋冬兩行役。百年蓬轉暗傷神。

寄懷周櫟園先生以糧道署左藩時修江寧全

志

通識由來道軼倫。也從分陝見經綸。百年文獻資元

老六代江山有主人。桂醕憶追官閣宴。梅風又報戟門春。相思耻逐干時輩。徒抱琴書臥海濱。

訪吳蕊僊女衲于逸園亭閣觀其作畫

應悔多才與佛親。僑居一見亦傷神。紙窗染墨成深坐。溪閣薄寒能中人。頗料北遊非失計。可堪東道尚愁貧。把茅隨地聊容膝。羨爾閒雲自在身。

酬學憲趙使君海陵試竣枉駕茅舍兼懷田綸

霞先生

早梅官閣衡文畢。十月淮南暖似春。大啓龍門羅俊

彥。仍臨白屋訪幽人。從疎禮法衣冠樸。見慣旌旗鷗鳥馴。忽憶子方初按部。也曾茅舍駐朱輪。

市隱園集送王異公歸婁東

莫愁湖上擬畱賓。一曲驪歌酒數巡。江郭秋殘重九日。王家年少第三人。也知分手添新恨。不道還鄉剩舊貧。此夕勸君須盡醉。芙蓉亭子月如銀。

酬李書雲都垣見贈

求閒未必閒能賜。且得盤桓故里春。棋墅尊開携野客。練裙書就與吾人。空堂瀉雨絲絃妙。曲檻銜花鳥

雀馴只恐東華門外路軟塵猶待碾車輪

重宿南山寺時先慈見背

城南歸棹記殘春半載重來迹已陳
秋寺雨荒黃葉逕松門犬吠白衣人
仍牽行役勞難靜豈獨居憂病且貧
雞骨禪牀聊偃息垂思何事不傷神

城南樓送春兼餞潘雲客北上

東風欲去又逡巡越客追歡任幾旬
此際登樓沽美酒明朝臨水送行人
簧吹江岸鶯歌亂雪灑柴扉柳絮新
何事銷魂南浦上不能畱客况畱春

和鳴六侄見懷

別離不用話艱辛且喜危疴復有身
瘦石茶鐺窗以外秋燈梵唄水之濱
隋堤菼稊風流散阮巷琴樽夢寐頻
忽寄瑤華開便面清詞妙墨對幽人

初晤錫山令吳伯成明府

季子才華久絕倫梁鴻溪上種桃新
喜看劇邑臨慈母稱與名泉作主人
寂寂訟堂清似水融融蔀屋暖如春
公餘對客談風雅入座慚非折角巾

得吳徵蘭書爲其尊人請序詩稿

開函何事不傷神。世講迢迢隔海濱。絳帳在家歌舞散。青山埋骨草花新。從知孤影依慈母。忽把遺編哭故人。多難賴君能自立。尚期六翮起高旻。

廣陵志局吳青壇垣中過訪

談尊大人輒雨淚兼懷朱商三郡丞

語兒溪上多蘭茝。渴仰延陵更幾春。載筆敢膺青史任。觀濤忽遇白衣人。重經戰地肝腸裂。久戀湖村鷗鶩馴。寄語苔岑舊知己。臺城久不御朱輪。

寄曹荔軒使君兼索筠石介弟畫蘭

風流公子並機雲。常向瓊枝夢想頻。盛事喜從龍

輦出舊游重對戟。門春芳梅折取催佳句。香草圖成贈美人。獨我識荆雖有願。隔江猶未棹青蘋。

廣陵雨夜病中懷歸孝儀

四海深交幾弟兄。昆觀濤正遇曲江濱。誰知客舍愁滂雨。偏向窮秋病旅人。幾處畫圖雲似墨。昨宵清夢月如銀。出門平陸江波阻。那得晴光聚飲醇。

懷卞公謙之別駕

記得登龍快飲醇。數年疎懶任州民。清溪漁艇聊藏拙。當路猪肝不累人。吟想蕪城明月上。樽開官閣早

梅春幾時行部羅浮館再許門來折角巾

秦淮志局喜晤鄭瑚山郡丞

棘院欣逢鄭子真東西廨屋乍為鄰文章海內推雄
霸開霽眼中無此人曲檻疎燈褰幔晚空塔細雨勸
杯頻方輿纂竟秋仍在同看南岡紅樹春

于督憲癸亥初度貢院開筵讌集纂修諸子乃

屬江寧太守于公郡丞朱公主席恩禮有加

愧感賦謝

萬家歌舞慶生申簪筆題詩五十人鎖院長筵鋪碧

醕府僚司爵借朱輪天高皓月臨軒滿秋晚黃花吐
砌新為國禮賢同有願須成信史報 楓宸

京師胡念蒿先生寓齋同戴雪岑唐質行祈公

世兄夜集時先生將赴豫章觀察

千騎行看寵命新薰風門外動征輪豫章榻俟留賢
者燕市酒堪偕故人迹苦乍逢旋作別心從久濶倍
相親明朝南下雙旌遠依舊他鄉夢寐頻

廣陵送九烟兄南歸時有唐詩快之選

浪跡傳經邗水濱又衝風雪出江津肩隨兄事如師

事詩選前人遜後人籬鷄一枝仍憩息嶧桐千尺自
嶙峋常慚髮白誇君健鐵骨明年七十春

次韻酬閩中毛文山大尹見訪不值

仙吏風標迥出塵蓬蒿枉駕不嫌貧柴桑君慕陶元
亮谷口余輸鄭子真京洛廿年同氣久苔岑千里定
交新誰知海角羈棲客偏阻花時掃徑頻

送洪生丹霞之吳門訪韓慕廬太史將北遊

乍解堅冰揚子津膺門恩顧忘艱辛寺樓鐘響孤篷
去霜樹烏啼野店春郵札洪喬須得報過江洗馬莫

傷神煩君寄語韓夫子官閣梅芳早待人

初春五日柳長在丁謙龍儀甫弟見過留飲懷

周安劉孝廉胡繼韶守府

幕府羈棲好弟昆江城萸葉五開新不妨正月飄餘
雪相過衡門探早春貧賤傲人無手板疎狂漉酒有
頭巾如何二妙邗關路芳草青青碾去輪

書思禹曆兩姪攜尊華藏菴是日立春

半年無事走風塵客路羈遲邁此辰花鳥僻依城外
寺柳梅偷放歲前春雙林尚掃畱賓榻十載空存漉

酒中更喜籍咸相對飲玉山高矗遜嶙峋

贈太守崔蓮生先生予為選訂公餘詩略時剖

刷告成

漢廷加意二千石大吏持衡第一人才比飛濤騰瀚
海心同明月徹秋旻蜀岡又覩文翁化謝埭重歌名
伯仁更喜公餘愛吟咏洛陽紙貴棗梨新

海安鎮訪周芑公不值時客雉臯幕中

五柳門荒越海濱干將斂鐔混風塵三年寄食心良
苦千里浮家歲又新浦外白鷗羣唼藻樹邊青笠對

垂綸如何停棹春塘晚不得啣杯共故人

卓子升進士家園招同餞送任仲暄太守魯振

公大令北上

余紫蕃孔樵嵐伯藍素臣暨
簡成東郊兩令弟同限韻

謝家兄弟開筵處芳草愁看碾去輪柳帶拂波難結
客鶯歌對酒倍傷神棠留楚澤旋金闕花種河陽待
玉人還向揚州停十日他時夢遠見何因

丙寅冬初海陵酬孔東塘國博見訪時奉命

副學士孫公監濬海口

金馬人臨青海濱分猷有意副儒臣濬川祇命遵虞



原件短缺

典馨鼓鳩工寓孔仁秋草澤荒歸鴈集和風地暖早
梅新菰蘆姓字蒙存記却愧東京折角巾

元日竹窓讀史前戊辰為崇禎登極之歲予勝

國諸生

白髮重逢兩戊辰孤踪江上尚垂綸龍飛神武澄清
歲馬齒膠庠教養身一代賢奸歸逝水百年花草又
新春鼎湖仙去遺民老青史閒披淚滿巾

雨中張諧石攜尊寺樓時予送仲男應省試

白門秋色望行人兒病猶羈揚子津兩日難禁風雨

偈歲喜程次郊重過海陵

兼懷孚夏宗衍天
有仙掌又梁諸子

誰期長至到江津幾度然疑信未真別近五年勞夢
想交深三世最情親臘梅全照荒臺雪曙鳥先催小
院春此日披襟纔對酒不逢諸謝又馳神

酬王方日世兄見贈

海東淪落老樵民公子才高賀季真蘿薜幽棲徒有
癖芙蓉新句總無塵誰人肯訪牛醫後今日初誇公
瑾醇金馬待君繩祖武長楊載筆奏應頻

許漱雪先生八十初度

滄桑稀見老遺民。碩果江南得許詢。晦迹誰知前進士。行吟聊託楚騷人。燈明劉閣傳經遠。酒載楊亭問字頻。白髮羅浮堪結隱。桃花溪處穩漁綸。

送姚子遜赴東萊兼示令弟子四

嚶嚶鳥嘯百花辰。編紵揚州識面新。下馬解囊沽美酒。過橋攀柳送行人。詩名早占雲間秀。蓮幕應生海岱春。誰信白頭徒拙守。雙龍看爾出風塵。

寄吳伯成大令

戴星何事不艱辛。真見江南借寇恂。百鍊崢嶸存鐵

骨。萬家寒冱得陽春。看山須識心原暇。貰酒從知橐也貧。夢裏梧軒人宛在。剡舟欲發又逡巡。

張石樓招集齋中令叔令弟暨仲男同在坐兼

懷尊人詞臣大尹

芳時斗酒聚東隣。張緒庭前柳色春。遊宦十年歸正晚。相思千里見何因。才華倚馬驚過父。情話挑燈擬達晨。莫怪別來頭鬢白。兩家兒姪盡成人。

文昭弟邀遊北寺再聽法大師講是日立春

西堂聽法不辭頻。况復陽回野寺春。暖日檻前明老

栢條風門外起青蘋此中滯義歸水釋昨日微言待
引伸更喜齋鐘聞四遠佳辰晴已慰農人

雲陽訪姜子翥不值

時客錫山佐吳明府
校刻合淝公詩集

丹陽郭外停雙槳丁卯橋頭訪故人山徑菁蕪眠病
犬府門喬木抱迴津玄經應許侯巴讀安邑能知仲
叔貧第二泉邊仍握手此宵岑寂悵無隣

許茹庸齋中雅集

殘冬安得有佳興酒熟先蒙召旅人燈下香醪清似
蕙雪中涼月白如銀情徵地主貧逾厚交託高賢久

更親醉後忘形渾爛熳不知誰送返城闔

東溪元旦

十年纔見故園春慚愧東西南北人細把清尊酬令
節喜將白髮侍慈親鵲鳴竹塢朝光滿船泊茅齋野
水隣但使天倫饒樂事幽棲從笑阮家貧

何雲壑轉運招集園亭觀家伶

柳漸成綿草似茵東風欲去尚逡巡園亭便舉留春
宴花月應歸顧曲人嬌鳥故窺珠箔影香醪難放玉
杯醇誰知濃艷歡場裏亦有微言契道真

同鹽官陳茗水百孫父子集朱司李宅時余將歸海陵

僑居誰識使君貧
疎竹閒門寄水濱
此日典裘勞費酒
由來投轄愛留賓
東風作雨吹花急
谷鳥啼春度柳頻
吳越一堂良宴會
忽驚南浦暗傷神

十二文

旅館早發

野店燈殘酒半醺
起看斜月照江雲
塔前宿雨幽花潤
城上啼烏曙色分
單薄客衣增旅思
艱難世路賴同羣
西風蕭撼芙蓉冷
回首衡門閉水濱

喜晤慈谿馮潔士世兄

余曾執經令叔鄴仙先生

舊人幾輩盡離羣
話到滄桑不可聞
孺子遠慚黃叔度
中朝親事小馮君
途遙祇結闕湖夢
才拙方耕姜堰雲
此日阿咸敦敦世
講相將岐路惜斜曛

送徐春坊健菴服闋北上

數載廬居勞主眷青宮園綺待為羣朝衣載筆趨丹
陛淚眼回頭望白雲江浦餞筵喧古驛河橋嘶馬戀
斜曛京華會見清寧慶前路好音頻寄聞時地震
之後

懷俞廣淵大尹

雙橋衡宇遙相望世外論交我與君鄙吝自慚黃叔
度風流常憶沈休文蕪香人侍清如月抱卷門關懶
似雲紅袖倘容重拂硯恨無佳句寫羊裙

逢鄭子綱話舊

憶甲申二月令姪超宗席上同
廷直士預力臣師六讌集別去

晚攜筆石寫烟雲七尺昂藏早建勳披褐竟成今隱
士種瓜原是故將軍竹林歡宴渾如昨江渚羈棲久
絕聞何意剪燈談隔代感懷無限不成醺

送宮定山北上補選憲副

南浦斜陽酒未醺同人送別鮑參軍笙歌驪馬喧青
帳竹樹山園鎖白雲梓里萬家能頌德名藩何地待
標勳君行我又衡門掩莫惜瑤華遠寄聞

送汪舟次太史册封琉球

時賜御書中山世
上四字額

節使樓船出海濱正東紅日擁祥雲天威遠震今無

敵宸翰同頒古未聞萬里魚龍恬窟宅中山島嶼
守耕耘國靈文德重敷後世仰神州戴聖君

懷唐祖命時年七十

五十年來唐舍人才名江左更無羣憂時賈誼言為
藥罵坐禰衡氣似雲祇借頽陽晞謝髮常邀醉墨寫
羊裙乾坤求舊君非老再起投竿可建勳

初春同孝威集山漁齋中對雨

春陰肯許悵離羣知己畱歡不用文莎逕心鋪當戶
蘚茅簷低壓入城雲難辭行役牽塵事每接清言抵

異聞早晚逢晴期並載野梅香裏去江濱

贈舊咸陽令張天任兼示勗人青門諸令嗣

垂髫四十餘年契管鮑論交不足云花縣名高百二
郡金臺才冠五千軍長貧津要誰青眼到老心情戀
白雲次第鳳毛看繞膝劉家豚犬愧無聞

寄李若士

總戎若居
諾公令姪

十年長揖大將軍小阮何緣未識君泚筆纔題行道
影飛帆忽趁渡江雲每吟珠玉勞子夢若灸風神過
所聞驛路三千難握手附書惆悵對斜曛

次韻酬景乾貞見贈卽送歸安邑

白鷗沙上忽爲羣。幾日披襟又送君。別路忍攀江北柳。歸心遙指太行雲。當年獻賦雖遭削。聖主臨軒正右文。愧我藏刀遺世用。鳳樓還待郢人斤。

季南宮招飲是日見贈尊夫子墨蹟蘭亭

西州舊路日斜曛。曾賺銀鈎白練裙。世講才慚孔北海。永和蹟覩右將軍。芝蘭道契交堪締。松石遺堂酒易醺。幾輩棣華爭濟美。竚搏翎羽入青雲。

江寧贈王元倬孝廉

南國翩翩推冠軍。忽甘抱膝不求聞。迴車最愛南孩日。拄杖懶看鍾阜雲。晞髮池邊尋故老。冬青樹畔結緇羣。我來快把高人臂。且共論詩到夕曛。

宿朱家口感舊憶唐祖命

曾賦懷人宿水濱。宣城唱和意殷勤。孤帆又泊朱家口。妙墨空留白練裙。未信存亾分逝水。豈惟契濶悵斜曛。仍沽村酒篷窗坐。鄰笛淒清不可聞。

高素其初度

載筆風流高舍人。南宮曾奪五千軍。搏鵬壯志差堪

慰吐鳳長才未有羣。即日遷除需建立。平生寧澹薄。聲聞雉壇進酒同袍滿也。到遼東一布裙。

送景海一半刺丁艱歸安邑

辭家佐郡向江濱。為國忘私許建勳。矢志僅嘗吳地水。思親惟指太行雲。夢回慈竹猶堪戀。書到哀猿不忍聞。白馬素車將送遠。欲攀棠樹駐斜曛。

吳水部叢山署齋喜令師徐蒼浮先生來自鹽

官齋詩次答

十年結納在紛紜。未識鹽官舊隱君。絳帳河汾羅將

相。白衣海嶠狎烟雲。踰期莫慰臨風想。命駕曾蒙遣信聞。今日南皮衡宇接。不嫌頻造賞奇文。

無題

和如臯冒無譽同用首句

除却巫山不是雲。飄飄誰曳紫霞裙。忽從射雉車中見。應許吹簫月下聞。春去紗窓花是影。夢來蓬島玉為群。當年解佩人何在。空倚西樓望夕曛。

寄畬趙止安時寄居瓜渚

自擔書劍別河汾。孤雁南翔久失羣。壯志飛騰應尙在。離憂瑣屑不堪云。三山嵐嶂浮朝雨。萬里風濤送

夕曛卜肆舊當城下路幾時江岍又逢君

歸吳陵酬清持兄見送

菊香家塾追隨處日日清尊細論文未老二毛爭笑
我平生一事不如君樓頭好月被堪共渡口衰楊路
又分慚愧頽齡叨友愛江波深遜此情慙

雁字 次沈桓雙韻

臨池倦後步江濱極目長空雁幾羣不異銀鈎揮白
練直將詩句寫迴文數行草草斜還正辨體人人合
又分鳳翥龍翔更奇絕無端思已入風雲

寄大梁朱參軍潤生

故人燕市記離羣十六年來信少聞長夏每思河朔
會高風應傍信陵君舊居綠柳垂深巷遠宦黃河隔
暮暉忽夢還轅重對酒白鷗溪畔滿閒雲

寒夜和來威遠

天涯歲暮此留君孤館蕭蕭客思紛霜色白迷三徑
草月光冷浸一庭雲已悲朔雁霜前見且喜隣雞酒
後聞得與故人同榻臥少微星已動天文

海陵遊戎署齋喜晤吳季茂先生 兼呈留村督憲

黃僊裳七言律詩分韻 十二文

聽梧軒裏久離羣。介弟高名天下聞。編帶喜交吳季子，軒車尋枉信陵君。渡江一路飄紅葉，近海千村浸白雲。戎幕夙吟恩顧重，縈維猶望鑒殷勤。

張子壻偕四女歸寧荆人置酒命賦

朝催種藕及春分，入夜幽蘭滿室芬。几上燭花頻剪穗，樽前兒女笑論文。已欣白髮完婚嫁，漸擬閒身逐水雲。酒罷細君研墨就，正思題句曙鷄聞。

朱天錦招集楚陽署齋同柳長在繆補山陳蘭

舟仲男泰來分韻 天叙太史之胞弟

烟波送遠忽離羣，南浦迴橈客思紛。明燭高堂勞貫酒，青春才子最能文。帆檣破浪千層雪，鷓鴣搏空萬里雲。載筆君家原故物，庾樓那滯鮑參軍。

丁謙龍對酒

齟齬追隨我與君，却慚蕭艾倚蘭芬。才高南國誇黃絹，孺慕平生戀白雲。玩世浮沉羞立異，逃榮澹泊不求聞。竹林酒熟掀髯笑，誰及雙珠善屬文。

桐鄉贈錢元超孝廉 陳子和世兄屬贈

公子翩翩王謝羣，間關几歲歎乖分。窮愁難放剡溪

棹八十精書貝葉文學道自甘師鈍斧無心久已屬
閒雲何當零落陳蕃後猶荷垂情顧盼慙

遠歸集諸子

余羽尊貴黃理薛木
菴吳犀年同拈韻

白鷗溪上久離羣幾月相思未可云客到酒香薰枕
簾人歸帆影帶江雲劇談都為心情合高興難將醒
醉分珍重鄉園存舊侶定知樂事屬論文

袁天駒武闈秋雋

弱冠翩翩早冠軍里中年少不如君風流妙擅穿楊
技開美能為露布文秋戰姓名標桂籍世交聲氣重

蘭薰小侯鄧禹真堪羨麟閣今來又建勳

庚午至日施太尊邀泰男飲一清堂兼見懷次

韻

兒曹赴約蕪城去曝背筠軒對此君醴酒立冬今夕
聚笙歌絳帳隔年聞早梅官閣香初綻明月揚州好
十分誰似山公心甚適當歡頻念舊同羣

寄胡祈公世兄

時有令
兄之痛

世講翩翩好弟昆九年書信不相聞長悲祖帳臨燕
路空望師門隔楚雲東海正期鵬奮翼南陔姑忍雁

黃僊裳七言律詩分韻 十二支

離羣今朝函丈重陪侍芳草懷人日未曛
喜侄婿王希任守戎見過

莫訝音書久絕聞到門車馬踏春雲
花朝節近燕傳語穀雨晴開梅吐芬
詠絮敢希謝道韞乘龍又見左將軍
論文竟日杯同把却愧蔬盤祇水芹

同學王再沂八十

記得髫齡共採芹當時氣奪五千軍
竹林老友存嵇阮天闕徵車待紀羣
適意把書門靜掩閒情對菊酒微醺
回思五十年來事不見高堂見白雲

陳副戎見訪話舊

數奇不讓李將軍青海樓船未建勳
解劍渚田馴水犢杖藜僧寺訪山雲
奚囊驢背詩頻就大被花間酒易醺
三十年來重聚首不堪岐路又乖分

輓季吏部余臨池受業師也

一家霖雨蒼生遍八十山公健絕羣
門內喬松方倚漢膝前威鳳正披雲
重經太傅西州路誰寫羊欣白練裙
絳帳尙存模範遠銀鈎空把泣斜曛

廣陵留別清持兄

菊香家塾追隨處。日日清尊細論文。未老二毛爭笑我。平生一事不如君。樓頭好月被堪共。渡口衰楊路又分。慚愧頽齡叨友愛。江波深遜此情慇。

十三元

陳念共給諫二空書屋落成

舊山叢桂此中存。更喜園寬闢小軒。歸養晨昏真樂志。賜閒丘壑亦蒙恩。鄴侯好積書千卷。彭澤頻拈酒一尊。藥裹詩篇堪送老。愛他啼鳥隔花喧。

寄馮律天

時隨總漕帥公督師江右

四明狂客今詩伯。車笠吳陵舊謔存。百尺樓看庾亮月。十年人在孟嘗門。江波平處綏南服。淮柳青時返北轅。幕府賴君知姓字。不教書劍老丘園。

宿嘉興遙呈陳桐鄉先生

滿目殘陽映水村。嘉興城外又黃昏。途遙孤艇須投宿。兵過千家早閉門。遠樹烟光沙際白。澄潭月色浪中翻。不堪感舊懷前路。一夜何曾穩夢魂。

李素園觀察招同杜于皇吳園次雅集

限樽字

肯辭千騎訪鱸尊。丘壑棲遲道自尊。喜士到門先倒屣。論文燒燭促開樽。秦淮風月留嘉客。閩海烽烟失故園。神在十年纔御李。遽蒙青眼愧王孫。

訓方爾止喜予重過白門兼傷顧與治

二三耆舊阻江村。帆影西風又白門。魚素斷時勞夢想。竹扉開處忽過存。百年浪迹人將老。一代名山道自尊。最是彥先零落後。不堪相對賦招魂。

贈諾大將軍

用唐人起句

三十登壇衆所尊。累朝節鉞出名門。鳳毛苞彩非無種。傑李金莖自有根。坐鎮數年推雅量。安民一念答殊恩。黃泥澗路春行獵。桃柳風恬海上村。

李莊與趙止安對酒

莫怪相看勝弟兄。菰蘆今日幾人存。愁當命酒猶防

醉事到傷心不忍言。野水春來波更碧。深山雲滿路將昏。多君緩步還相送。遠火青青漸出村。

李書雲都垣除夕生日

家居曾度幾揆辰。一日身閒亦是恩。芳歲又從忙裏換。道心時向靜中存。一杯東閣娛梅柳。四世華堂聚友昆。想見元正偏戀闕。夢攜鷓鷯入君門。

陽兒之江上中途遇雪

剔罷孤檠啓華門。一天風雪莽雲昏。辭家初放今宵棹。沽酒却投何處村。自愧飢寒驅愛子。誰能羈旅重

王孫勞生須信難。高臥未敢懷安守。故園

貢院修通志。山陰友人攜樽同顧我。在歸薪傳

蔡九霞靜御弟夜集

越人南國寄名藩。編纂紛紜藉討論。局外已勞勤蠲力。月中何事費開樽。桂藏鎖院亭臺僻。秋冷虹橋蟋蟀喧。令節良朋同醉臥。不將歸夢憶江村。

阻風靖江縣枕上作

幾日驅車濁泥坂。孤燈伏枕縣南門。猛風急雨打荒店。絡緯促織喧窮村。獨行端爲少儔侶。不寐豈由無

酒樽百年出處已失計眼前勞逸何足論

廣陵送王中州應試北上

故文通相國之孫衡陽徇節太守公之六

也子

相國文孫好弟昆北遊回首輒聲吞方攜賦草呈三
殿欲為忠魂叫九閭柳岸一從嘶去馬蕪城且共盡
離樽百年桃李陰仍在誰向淒涼憶舊恩

寄懷李仍耳

新秋夜叩辟疆園倒屣開軒月未昏松菊曠懷存栗
里文章奇氣偪龍門琴堂懸榻恣泥飲竹屋挑燈暢

寤言此日海隅迴望處雁鴻啼不到孤村

過顏佳蔭舊居

入望烟墟接水源詩人舊宅此中存雙鷗尚唼門前
藻老樹全荒橋外村避地孤踪甘蕩落登壇健筆自
飛翻頃來衡宇空相近五字吟成孰與論

庚午海陵與席允叔對酒作

深交十八九年存當代風騷藉討論記得散金招賦
客誰從落魄飯王孫秋隣近海寒濤壯醉任淒蛩旅
壁喧君正強齡余老大心知飛翮九霄騫

贈許漱雪先輩

楚江不復採蘭蓀。晚戀維桑返里門。年力未衰雙劍去。艱難飽閱一心存。白鷗澤國烟波濶。老樹西城夕照昏。想見還鄉仍逆旅。詠懷詩就與誰論。

寄穎上劉公賤吏部先是見贈有五言排律

漠漠停雲穎水濱。江南曾共擷芳蓀。一從鷁首迴千里。長對銀鈞誦五言。粉署簪裾稀命駕。竹林風月戀開尊。尺書未致空相憶。懶性真同蝨處禪。

李木菴宮坊見訪天寧寺寓話舊時尊大人映

碧先生逝踰一載兼志悲悼

白馬寒風到寺門。象賢相對使聲吞。經傳七業尊家學。籍守三朝報國恩。數理烟帆心欲往。未申雞絮愧徒存。不堪感舊思賢意。話到平山夕照昏。

劉雪舫哀詞

次俞耳君韻

廣陵原是故青門。此日招魂江上村。徐墓欲將孤劍掛。謝庭愁見少微昏。曾憐犬賣纔營娶。每憶烏號罷舉樽。白髮舊人皆逝水。夕陽心事向誰論。

吳雲逸見招法海寺一帶泛舟時屆寒食同蔣

前民張諧石李若谷吳子乘諸子
鎮淮門外竹西村。畫舫朝朝鼓吹喧。楊柳春衣飛轡影。桃花人面帶啼痕。那能選僻尋觴詠。且喜忘年挾友昆。芳草平山終古在。舉頭斜日又黃昏。

過青山

松壘巋然華表存。舟師指點葬英魂。金牌忽聽寬西顧。鐵鎖從教撤北門。同列自戕先許帥。六朝清惡又王敦。當年南渡真兒戲。空望青山涕淚繁。

雉臯送別長孺兄歸南村時余亦有北征之役

晴日迴車江上村。僧房留得野梅繁。實緣老病逃城市。豈為田園戀子孫。序齒衰宗余最晚。論心古道爾能存。天南地北乖分苦。不待聞鴻已斷魂。

春夜石月川昆仲齋中集佳蔭薊門季雅宏音

諸子見送北上限韻

燈火疎梅照小軒。酌君斗酒共清言。幽芳絕愛蘭生谷。踖踖殊慚虱處禪。此日墻東連客去。他時江外故人存。四方弧矢平生志。敢望雲霄翮可騫。

酬閩中陳觀察叔霞見贈兼懷令叔觀齋先生

交道能將古處敦。孤踪萍梗信乾坤。愛君誰下南州榻。過我常賒隣舍樽。貧去高歌彈舊鉢。憂來兀坐睍芳萱。應同大阮舒狂眼。醉指斜陽哭海門。

病中哭李奎瞻明府

賣盡琴書旅食貧。途窮無計問家園。一官纔醒東臯夢。孤館應歸易水魂。鴻雁叫霜悽客舍。菊花含雨落江村。平生伯樂空銜感。十載深知未報恩。

送春前二日戴景韓寓齋同倪永清戴文簡分

賦時景韓病起

枝頭鶯老柳花繁。城角斜陽在葦門。二仲屐來仍掃徑。潘郎病起又開尊。東風幾日留行客。南浦明朝黯別魂。望雨却嫌河宿爛。中宵憔悴不堪論。

沈凝峙偶遊海陵寓棲賢精舍同融峰師茶話

未訪雲間孝子村。海陽書劍忽過存。麥蔴僧院猶留榻。水儉人情只閉門。迸沼碧蓮含露笑。搏空黃鵠入雲翻。客中問法支公座。欲把安心仔細論。

凝峙剖股療親釋堂

司成每稱之

汝寧南湖五月歌筵奉招閩中諸孝廉餞其南

黃倦裳七言律詩分韻

十三元

七

歸鞠思別駕家倫
叙參戎同集

芙蓉十里舊南門。檻外紅旗列騎屯。滿寺雲深山磬冷。一溪花落水禽喧。漫將歌舞留賓醉。已覺衣裳漬酒痕。我輩登臨終古在。不須興廢此中論。

蘓克廉招往南村看桂以事未赴

幾人連袂過南原。入耳寒蛩草際繁。迥地僻應稀枉駕。典衣貧不廢開樽。亭前桂樹花爭發。池上秋蟾影未昏。最是小山賦招隱。羈棲偏阻到衡門。

夜別潘天閑修人父子同王天言書室留飲

何因晚叩故人門。明發萍踪去海村。徑曲乍窺開卷地。春深未訪落梅園。三更醇酒還頻勸。十載離心闕細論。師弟下帷聊此息。青雲指顧化鵬鷗。

湯惕菴先生索贈謝秋水處士

晞髮曾聞謝臯羽。先生堪共古人論。百年黃卷足生事。半世青衫憶舊恩。教設河汾開將相。道尊伊洛得淵源。吾師衡宇應隣近。情話常攜濁酒尊。

喜晤田抱南即送歸梁園兼呈尊人雪龕刺史

時抱南為宮太史稱觴來江上途遭肚篋

黃僊裳七言律詩分韻

十三元

紅塵長路勢如焚何事馳驅別故園
文舉久登元禮座田光未報信陵恩
來經險阻心無悔歸望雲山雨
又翻不道高堂思愛子夢回日日倚衡門

挽李維章

使節承恩粵海濱青春相府識文孫
閨中詠雪偕鴛侶江外攜家隱鹿門
故國白雲勞望眼楚天斑竹見啼痕
生芻薦處方惆悵驀聽鐘鳴離垢園

臘春邗關不寐

隆冬入越王辰

竟夜無眠積枕痕數年心事向誰論
老親病更離懷

亂少弟貧惟瘦骨存十日孤舟停水郭
五更譙鼓在城門最憐此際高堂夢應繞
天涯伴旅魂

荒園晚望得馬旻徠寄書兼致詩刻

東閣故人星散後海雲停處掩柴門
樓頭雁過霜林曉城下濤迴水氣昏
一卷新詩牽寤寐八行良訊達寒溫
官梅歲久疑零落何遜風流賴爾存

同孝威飲允叔海陵寓園

陽泰兩見鸞孫在座

躡屐城西叩竹門昨宵細雨別孤村
城荒梅柳春猶好歲晚風騷道自尊
美酒急沽三斗至舊人應有數

家存年來少長苔岑合大被還堪穩夢魂

[Faint bleed-through text from the reverse side of the page]

十四寒

偶同阮鍾南先生過韓園看花

時阮公將回山左

新晴不怕出門難
遠客扶携至考槃
一塢柳深貪路僻
滿園花好未春殘
狂奴高會慚中散
舊事中原憶謝安
牽袂燈前須盡醉
他時千里思無端

席書樵將返棹廣陵畱行有作

百里何曾行路難
也催畫槳發河干
縱饒快作三旬聚
猶欲淹畱一夕歡
東郭銀魚清似雪
舊家露酒碧如蘭
綠楊紅杏芳春節
忍負鷗絃傍月彈

俞瞻人侍御初度

太史文章壓雉壇。承恩持斧萬人歡。東山偶負烟霞疾。北闕行彈獬豸冠。豈爲愛閒增體健。轉因遺事得心安。自慚問道追從久。霄漢何由振羽翰。

懷長甲弟

似子方爲行路難。閩歸空手值冬殘。但令坎壈存窮骨。何必風波怨惡灘。林雀啼饑猶帶雪。江梅吐艷欲衝寒。雁行慚愧稱知己。相助無能振羽翰。

同秦以御過宗定九山莊

數載重來問考槃。樹深苔碧染衣冠。半村斜照雨初霽。一塢好花春未殘。藏酒色清浮臘雪。新篇才湧入風湍。尊前密友兼親串。肯負韶光不盡歡。

送姜定菴京兆赴任奉天

勉承親命遠之官。風雪揚州歲欲闌。臣子義寧辭况瘁。高堂天已錫平安。餞筵美酒鷺黃嫩。到日春波鴨綠寬。見說千山尤競秀。政成詩句賞烟巒。

侍四叔父暨本凝聞遠諸叔瑞芝堂奕飲

桃花欲放帶春寒。阮巷蕪荒路幾盤。北道凱歌勞遠

望東山碁局許傍觀。偶隨杖屨閒芸案。且向江湖戴
鵬冠。此日天倫饒樂事。風塵門外正漫漫。

程孚夏歸舟次宜陵鎮却寄一律兼簡戴景韓

暨男泰來次原韻

千里君仍別呂安。戴逵過我話宵闌。濁醪猶向鄰家
貫。秋月獨從江外看。須信遠書勤驛使。敢令穉子廁
騷壇。天涯知己應無幾。兩地盟心有寸丹。

丁未王馭馬下第

次韻

年少無煩急一官。寥天獨鶴去程寬。何妨更進王孫

食不許輕憐。范叔寒。帝里杏園虛夢想。江鄉竹嶼

報平安。南歸舊路頻沾酒。猶喜胡姬帶笑看。

續伯子判官奉使赴鹽場安民

未信承平有揭竿。兵戈不用海邦安。實因慈母爲人
信。忍把饑民作賊看。曉日新鶯迎去旆。春風弱柳拂
征鞍。此行圻見萑苻散。仍繪流亾報上官。

廣陵追送天中羊長玉不及

千里曾經過呂安。中原風雅獨登壇。到今把卷虛相
憶。翻悔停車未盡歡。遊屐也因山水好。空囊其奈道

途難我來君去偏相左惆悵邗關夕照殘

寄懷徐方虎太史

憶同合肥尚書于京師西山餞于南歸

徐稭論交重歲寒六年魂夢繞長安西山宴餞秋如
昨淝水情深泪不乾苔上白雲懷子舍江南黃髮老
漁竿幾時仙鷁重歸省便道蘆中訪舊歡

周鹿峰曹楚航陸貞一招集承恩僧舍

子將北歸

松房人靜晚鐘闌三益攜尊集古歡共向江南充外
史還歸澤國理漁竿宵深雨霽星仍爛地暖梅開菊
未殘難得同聲復同舍艤舟猶復駐長干

贈如臯令趙亮弼明府

素琴古調有誰彈三晉龍門萬仞看經學南宮大小
戴人宗北面斗山韓初離水火仁君至應念孤清吏
道難珍重山公相介意薄遊寧必為猪肝

金陵長干寺塔燈

和方樸士

神工仙斧幻無端笑兀南崗聳大觀飛拱插霄丹鳳
翥明珠噴火玉龍盤千門士女焚香對萬國共球駐
馬看何事六朝灰劫後薪傳獨此時長干

次韻酬耿又樸宮坊見懷之二

千里空思見呂安清顏如對月光寒故人彩筆青霄
上野客漁竿白水灘岱岳道尊瞻豈易陽阿曲好和
原難八行欣把銀鈎字饑鳳琅玕當食餐

夏夜同人集邢別駕樸公署齋

涼飈六月亦高寒不信官齋似考槃沽酒敢虛醇酒
意典衣長集布衣歡疎篁冷韻消炎暑白鶴幽棲養
羽翰早晚甘霖如應禱野人歸去穩漁竿

喜程孚夏來自白岳

歸戀慈闈出復難停雲日日望江干竹林忽作三年

別榴火新同五月看重過問奇呼載酒再來獻賦續
迎鑿綠窗孤影行堪慰早晚蕭郎又夢蘭

賦得天寒有鶴守梅花

同邵青門次
戴稼梅韵

荒墟黯黯竹松寒晨灶無烟出考槃誰向草堂深雪
裡獨將臨水數枝看衝風驛路馳車馬就暖朝陽舞
鳳鸞只有仙禽饑不去也依清影伴袁安

丙戌冬海陵餞戴初士北上

同何寤明余澹心
劉旅皇對酒作

征帆遙落夜漁灘一點河燈照酒寒喜渡荊灣尋舊
識况歌桃葉接新歡馬嘶驛路羣難割霜遍河梁白

未乾此處尚非燕市月幾人擊筑醉相看

寄李厚餘比部勞苦海隅兼示徐丙文

憂民聖主廢臨餐此日奇才試錯盤貧儉我猶慚後
至忠勤君不避先難荒沙白草連天接寒食紅桃何
處看併使徐陵吟興減工成題句再登壇

攜尊舟中送吳水部同內部王公限韻

滿目離愁醉後看攜來村酒出新安孤帆幾處含疎
雨破屋誰家倚暮灘疏濬至今懷賈讓魚鹽原足輔
齊桓同心定奏宣房績報主平生有寸丹

俞宗齡宗藝兩甥齋中同朱質人上木姪泰男

偶集即令祖天木先生之別墅

比隣數月失追歡開遍紅榴蕙草殘偶爾過門停蠟
屐何妨開甕只蔬盤登堂頻叙渭陽誼回首難忘獬
豸冠不厭白頭潦倒甚詩成催刻碧琅玕

吳澹寧至自白嶽下榻程肇修次桓兄弟寓齋

余同蔣玉淵過訪留飲得寒字

三年不共此盤桓又向江城集古歡才子家山藏鹿
柴老夫生事穩漁竿浮來綠蟻霜螯紫開遍黃花木

葉丹久坐嚴風吹病客綈袍猶解禦新寒

朱艾人水軒小集

兼贈敏錫魯瞻
青嶽諸令嗣

少小追隨厠雉壇秋風呼酒醉相看青雲令器誇英
絕白髮先生喜壽安烏几劈箋閒潑墨水窓疎柳映
垂竿虛名身外殊為累堪笑人間行路難

重過水村題茅舍壁

贈王舍
夫先生

此鄉彌望水漫漫茅舍零星倚舊灘風緊人家張獵
網船歸稚子接漁竿波濤汨沒連雲白景物荒涼與
歲寒猶憶隔年隣舍宿見春紅米夜燈殘

得錢仁洽書問

向年同客令弟山銘大尹
羅山縣署中令弟已沒

憶昔中原締古歡窮途大謝咲相看龍岡寺裏曾修
禊黽阨關頭記採蘭一別雲山渾見阻廿年歌哭總
無端多情尙枉瑤華贈相望何由振羽翰

喬特簡齋中醉後作兼為林伯逸留行

花前揮盞人沉醉重索題詩共倚欄圓月况逢今夜
好霜毛不比去年看關情兒女愁生事屈指漁樵耐
歲寒莫向江干歌折柳薰風池館且留歡

辛酉奉酬胡荆南先生留別次韻

黃僊裳七言律詩分韻

十四寒

七

十載離居事事難。相逢加額頌親安。未同名驥飛程遠。欲附青松守歲寒。籃輦乍停舟。又發尊絲將採菽。同餐天涯後會知。何地不顧烟帆掛竹竿。
清明後二日陳陶思携尊集諸知舊
新烟漠漠罩林巒。炊黍人來集舊歡。春暮未聞黃鳥喚。天寒纔見杏花殘。百年騷雅容鞭蹬。一日清閒讓考槃。安得銷烽歸底定。菰蘆夢穩釣魚竿。

送羅廣文之任光化

十載追隨訂古歡。新瞻旌旆出江干。牽衣祖帳方愁

別。叱馭臣心不避難。幾處哀鴻勞撫集。常時雙鯉報平安。君行此後誰知己。白髮淮南倚釣竿。

卓太翁偕壽

子升簡成東郊尊人

鴨綠千山秀幾盤。關東豪傑欲瞻韓。青春久羨人如玉。芳佩長吟澧有蘭。天上紫泥方錫寵。膝前儒將早登壇。無窮蔗味供雙笑。花月揚州取次看。

雒臯李大尹春正三日入郡舟泊堰口留同家

光祿叔小飲

陽和宇下萬家歡。尙念勤勞謁上官。鷁首淮揚津路

遠郵亭風雪榜人寒。挹來清味交如水。話到同心氣似蘭。不遣竹林爲地主。行厨留取醉春盤。

將北上集羅廣文枝閣

佳篇秀削比琅玕。相許論詩到歲寒。傍檻涼風吹早桂。侵堦白露浥芳蘭。塵中敢擬霜鋒淬。別後誰憐古調彈。不盡傷離知己意。征途猶復勸加餐。

十五刪

舟中作

蓼花垂露滿河關。曉色迷茫草樹間。曠野天低渾接水。隔江雲起不分山。每櫻世故難終隱。自厭塵勞敢慕閒。前路爨烟菰飯熟。釣竿虛倚近漁灣。

九日集劉雲麓州伯署齋。令兄津逮出成魯公

畫扇見餉併係以詩踵韻賦謝兼懷魯公

海署逢秋晚。倍閒誰從尺幅寫雲山。久知墨妙饒名理。一對松泉浣俗顏。此日仁風勞解贈。平生幽意最

相關成連更有移情術琴酒何時快在還

朱僊鎮拜岳忠武祠

百戰收功指顧間岳家軍令重如山班師似出高宗
意逢惡徒成秦相姦青史不平空浩歎黃鸝無緒自
間關金戈鐵馬縱橫地古廟猶存落照閒

初夏宮定山招集西園

同丁漢公劉僅三沈國望陳念共田公燮張桐

峰蔡補齋諸子限山字

太史風清轉得閒芳園愛與客追攀雷鳴忽過花間
雨日落還看城上山四海干戈歸底定十年桑梓切

痾瘵前途報主應無暇且共行吟水石灣

將之武康同陳澹僊刺史宿桐鄉北郭靜室

先生有事入春山許舁籃輿共往還隔縣路無三日
遠百年人到幾時閒城邊涼月堪移棹竹裏名僧待
出關暫向東林畱一宿渚花烟磬已開顏

唐參軍招同金耳中諸駿男宗定九遊法海寺

觀荷遇杜思曠桑楚執諸子劇飲

亂入田田碧葉間採蓮舟遇寺門灣柳邊度曲聲初
細塘上逢人語不閒簫鼓迴時風送櫓牛羊下處日

沉山仍期看月西樓宿任閉重關未擬還

去虞山次韻酬榮霜崖見送

極目東南戎馬間蘇臺行路此時艱一尊佳日虛良友孤棹含情別晚山汪度愧爲黃憲後高踪堪與啓期班勞君詩句猶相訂轉眼丹楓吾谷灣

吳非止招陪學憲胡公游真州東園兼懷令嗣

木林農部

東郊別業水雲灣十里扁舟易往還一塢穠挑猶帶雨滿園叢桂自爲山簪裾國器能承順丘壑當年供

養閒從此籃輿頻至止抱琴攜甕亦開顏

寓天寧雪後登梅嶺踏雪簡崔青峙家介伯兄

次泰男韻

風雪招提只閉關醉餘掩卷客愁閒嶺頭寒尚攜兒出世外貧偏讓我閒短策過橋侵石齒遙峰帶日露烟叢此時東閣聯吟者未許騎驢得共攀

將之都門宮紫陽西園見餞醉後復同丁漢公

過飲吳雨三方弘兄弟寓齋

春風送客鳥關關車馬倭遲戀舊山不道夜深來竹

塢已忘人醉隔花間明朝南浦愁分手此夕清燈照
別珍重故交相慰藉貧游能定幾時還

過栢鄉相國魏貞菴先生招飲葆石堂

同金長真太守

柱石中朝第一班草茅難得覲清顏巾車入洛吳公
引採藥還鄉謝傳開屣倒遠蒙開碧醕燈明細與話
青山誰言吐握高風邈即在部南槐水間

和以御同趙太史都門步月見懷之二

貧賤羈栖豈慕閒當年輦轂日追攀鄰家蟻綠催佳
句大被雞鳴話故山館閣祇留瓊樹在江湖聊聽客

星還回思踏月依依處報國寺東門未關

送汪芾斯分運守制歸西湖

煮海勞公試百艱十年宦迹賣魚灣甘棠有蔭留南
國白馬行嘶指故關堤外柳垂牽舫住湖邊梅早待
人還班荆頓結平生契相送斜陽黯別顏

海陵天目山予祖居也晉王冶飛昇處後鹿女

道成亦履江水而去

事載郡志

家傍琪華有故山深松舊路記躋攀仙翁煉藥井仍
在鹿女凌波襪未還出世有心終擬出求閒何日始

能聞粉榆父老相傳說笙鶴常聞縹緲間

崔太尊招飲內署觀馬公魯士與吳瑞徵對奕

宗定九男泰來同賦

涼風清暑鳥關關木槿花紅亂竹間下榻却慚徐孺
子圍棋仍待謝東山兩鄉忽作半年別百冗纔分一
日間僚佐生徒泥飲後起看明月下西灣

九日平山登高和吳馨聞 乙卯作

南北東西幾歲間今年重九在邗關無端歌哭尊前
酒極目烽烟何處山秋色最憐楓葉赤溪光莫映鬢

毛斑故鄉兄弟堪留戀且共行吟落照間

冬過京口

重鎮南徐作楚關江清草白水潺潺臨風鼓吹烟中
舫映日樓臺雲外山往事憶來歸蝶夢故園荒盡隔
黃灣蹉跎二十餘年後霜髻頻憐過此間

鄭鞠思推關滄墅

使君持節領吳關日坐澄波綠嶼間尚有貧逋懷未
暢了將公事晝常閒閣迎西爽裁詩就人帶泉香載
酒還何必豬肝累知己相思一見亦開顏

村園歲暮酬金又鑣郎中寄書兼分廉俸
悔向風塵髻欲斑一園噪雀閉深關石嫌廢砌徒思
補松愛繁枝未忍刪從賣琴書紫別夢且憑觴詠破
愁顏故人誰念相如病歲暮郵緘到故山

廣陵次韻酬倪閣公北上留別

金馬門前白馬還士龍寧久滯雲間簪裾袞袞開芳
宴車笠依依話故山濤響似聞豪士唱月明常見玉
人顏萸灣一別予東下又喚溪鷗伴守閒

天寧雪大師欲歸隱三峯李書雲先生暨諸長

者闔郡堅留不能成行喜賦

久厭塵勞擬就閒三峯原是祖庭山白椎忽擲謝公
寺紅葉虛看吾谷灣小別一年成底事羈棲百里積
愁顏法幢留得維揚住先向烟蘿共破顏

八月十三夜過虎丘刺史公舟中同俞子襄男

泰來賦

客路中秋兩日間扁舟恰過虎丘山花移晚桂孤村
外酒買名泉綠樹灣遠塔峻嶒懸鷲嶺暮鐘杳靄度
松關何須看月千人石近水蟾光意更閒

昭陽拱極臺孔使君為海光樓懸額招同人賦

詩得閒字

丹樓新煥海雲間河使題名許共攀黃鶴不來吹笛
客夕陽空照賣魚灣澆愁拚醉難成醉出世求閒那
得閒四十餘年重至止登臨看取鬢毛斑

朱以陶自興化見懷次答

病回偏有無窮事竹裏扃扉豈是閒數載貧能添白
髮三更夢不隔青山花開隣叟攜詩過日落樵僮賣
藥還何故石交分兩地空留月掛小橋灣

懷章子覲新安廣文去年附韓寶雲寄予札

會訪澄江烟水間七年不復奉清顏門閒梅福之官
去書寄韓康賣藥還問字生徒趨絳帳吟詩筇屐傍
青山獨憐草土離群者憔悴寧惟兩鬢斑

羅山署中喜晤李筠仙明府夜話即送之歸八

閩

花落鶯啼雨滿山我來春晚算君還情懷脉脉思謀
面車馬遲遲未出關快覩新知忘夜永飽聽舊尹話
時艱明朝又趁孤帆去鄉夢羈愁總不閒

為蔡九霞悼亡

時應聘客都門

徵車催促出吳關。帝里紅塵虛往還。誰識糟糠遊地
下。却教猿鶴怨空山。桃花場裏音徽杳。慈竹叢邊血
泪斑。遊子欲歸腸斷絕。深閨無復夢刀環。

送田曲江先生宰壽昌四首之三

松峰梅嶺魏駸山。遠近民居積翠環。聽訟不離青嶂
裏。題詩常步白雲間。瘠田歲熟爭輸稅。僻地風淳少
作姦。閒訪遂安黃處士。尊前如我日追攀。
謂做宗兄介伯

酬淮上吳壘峰見訪不值

風雅誰堪季子班。楚雲迢遞阻追攀。高踪抱膝菰蘆
內。遠思揮絃山水間。浦外客來留袖刺。雪中人出鎖
柴關。還家忽覩瑤華贈。獨對庭梅想玉顏。

李奎瞻大尹舟過堰上相送馬溝步登麥壟野

望

懶向琴堂數往還。舟廻堰口足追攀。貧家只有清泉
供。勞吏恰逢今日閒。麥穗飽垂梅雨後。鶯歌不斷柳
烟間。牛亭漁浦堪遊眺。轉眼風帆碧樹灣。

庚午徐東海先生初度遙呈

溪春記送出揚灣秋盡江南橘柚班暫假還家溫枕
被殊恩修史坐湖山心閒漁唱樵歌處夢繞蘭臺石
室間次第編摩看入告應知嘉賞動龍顏

本問叔西園改青蓮禪舍

塵埃半點不相關別墅花開日往還捨宅原知非我
有休心早得對僧閒安貧飲水勝求祿晦迹扃扉笑
買山座客莫談蠻觸鬪來聽清磬白雲間

和徐夔攄自秦郵暫歸晤孝威懷予遠出之作
半年不得接清顏却訝君來我掩關孺子榻仍鋪竹

